



Michael apud Ioachimicos in Saxonía natus, & omni genere literarum educatus est. Hic cum prima literarum elemēta in patria feliciter didicisset, studiorum amore sese ad uarias Germaniæ academias contulit, atq; magna diligentia artibus & philosophiæ incubuit. Hisce quoq; Medicinæ studium coniunxit, ac multarum scientiarum præclaram notitiam sibi comparauit. hinc etiam factū ut Medicorū Doctoralia insignia impetrarit, atq; uiris doctis adnumeratus fuerit. Ad hanc eius eruditionem accedebat pietatis amor, & docendi perspicuitas. Id cum proceres Ihenensis academiæ intellexissent, eum inter professores receperunt, atq;

optimos autores iuuentuti explicare iusserunt. quod quidem Michael singulari dexteritate expediuit, & suis uirtutibus cunctis gratissimus fuit. Iis etiam horis, quibus à publicis functionibus uacauit, priuatis studijs inhæsit, atq; ingenui sui monumēta ad posteros trāsmittere statuit, itaq; de sphericis elementis librum conscripsit, & cum alijs huiusmodi publicauit. Hoc modo Michael etiamnum pergit, & suis uirtutibus passim innotescit. Io. Op.